

Smilodon

Smilodon es un jenera de la sufamilia *machiarodont* de la familia *felidae*. Lo es un de la animales la plu famosa. Smilodon ia abita la Americanes en la plestosene (2,500,000 a 10,000 anios ante aora). Lo conteni tre spesies: *S. gracilis*, *S. fatalis*, e *S. populator*. Smilodon es plu forte ca cualce gato presente, con gamas fronte multe bon developada e dentes canin superior estrema longa. Sua mandibula ia ave un balia plu grande ca gatos de oji, e sua canines superior ia es magra e frajil, ajustada per mata esata. *S. gracilis* ia es la plu peti at 55 a 100 kg; *S. Fatalis* ia es 160 a 280 kg, e 100 cm alta. Ambos de estas es xef de America Norde, ma un poca ia es de America Sude. *S. populator* de America Sude ia es la plu grande, con 220 a 400 kg e 120 cm alta. La colores de sua pelos no es conoseda, ma en reconstruis, lo es tipal depintada jalin blanda o marcada.

En America Norde, Smilodon xasa erbivores grande como la bisones e cameles. Los ia mata sua preda par teni lo con sua gamas fronte e morde lo. Lo no es certa si smilodon ia es sosial o solitar. Los ia vive en abitas cluida como forestas e bosces, cual ia furni covre per embosce sua preda. Smilodon ia estingui a la mesma tempo como la plu de animales grande de la Americas, sirca 10,000 anios a ante.



Retraeda de "<https://fn.wikipedia.org/w/index.php?title=Smilodon&oldid=32209>"

La edita la plu resente de esta paje ia es a 25 desembre 2019, a 16:36

Testo es disponeda su la Lisensa Attribution-ShareAlike de Creative Commons; plu restrinjes pote pertine. Vide [Contrata de usa per detalias](#).